



Bosnia and Herzegovina
Federation of Bosnia and Herzegovina

CANTON SARAJEVO
Government

Broj: 02-04-3580-1.1/20
Sarajevo, 13.02.2020. godine

Na osnovu člana 26. i 28. stav (4) Zakona o Vladi Kantona Sarajevo ("Službene novine Kantona Sarajevo", broj: 36/14 - Novi prečišćeni tekst i 37/14 - Ispravka), a u vezi sa Odlukom o metodologiji postupanja Vlade Kantona Sarajevo i kantonalnih organa uprave po poslaničkim/zastupničkim pitanjima i inicijativama, broj: 02-05-35648-22/19 od 10.10.2019. godine, Vlada Kantona Sarajevo na **58.** sjednici održanoj **13.02.2020.** godine, donijela je sljedeći

ZAKLJUČAK

1. Prihvata se Prijedlog izjašnjenja Ministarstva za rad, socijalnu politiku, raseljena lica i izbjeglice Kantona Sarajevo na zastupničko pitanje zastupnika Sabahudina Delalića podnesenu na 14. Radnoj sjednici Skupštine Kantona Sarajevo, u vezi prevencije prosjačenja.
2. Izjašnjenje iz tačke 1. ovog Zaključka dostavlja se Skupštini Kantona Sarajevo, na dalje postupanje.



PREMIJER

Edin Forto

Dostaviti:

1. Predsjedavajući Skupštine Kantona Sarajevo
2. Skupština Kantona Sarajevo
3. Zamjenica predsjedavajućeg Skupštine Kantona Sarajevo, gđa. Danijela Kristić
4. Premijer Kantona Sarajevo
5. Ministarstvo za rad, socijalnu politiku, raseljena lica i izbjeglice Kantona Sarajevo
6. Evidencija
7. **A r h i v a**





Bosnia and Herzegovina
Federation of Bosnia and Herzegovina

CANTON SARAJEVO
**Ministry of Labour, Social Policy, Displaced
Persons and Refugees**

Broj: 13-02/1-05-38844-202/19
Sarajevo, 07.02.2020. godine

VLADA KANTONA SARAJEVO

-Ovdje-

Predmet: Prijedlog izjašnjenja na zastupničko pitanje zastupnika Sabahudina
Delalića - dostavlja se,

Veza: Akt Stručne službe Vlade Kantona Sarajevo, broj 16-01-05-38844-202/19
od 08.01.2020. godine

U Ministarstvu za rad, socijalnu politiku, raseljena lica i izbjeglice Kantona Sarajevo
zaprimljen je akt Stručne službe Vlade Kantona Sarajevo, broj i datum gornji, a u vezi sa
zastupničkim pitanjem zastupnika Sabahudina Delalića koje glasi:

”Zašto se ništa ne poduzima po pitanju prosjačenja?”

U vezi sa navedenim postavljenim zastupničkim pitanjem ističemo činjenicu da u Javnoj
ustanovi “Kantonalni centar za socijalni rad” u Službi za pravne poslove i koordinaciju djeluje
Mobilni tim za prevenciju prosjačenja koji u okviru svoje nadležnosti ima za cilj prevenciju
prosjačenja, tretman zanemarene i zapuštene djece kao i suzbijanje trgovine djece. Zadatak
Mobilnog tima je zaštita djece koja su uključena u život i rad na ulicama Kantona Sarajevo i djece u
riziku, te da bi ostvario gore navedeni cilj i realizirao postavljene zadatke Mobilni tim sprovodi
sljedeće aktivnosti:

- Obilazi ulice, raskrsnice, naselja, vjerske objekte, ulična žarišta na kojima se djeca u riziku
okupljaju, evidentira djecu kao i probleme sa kojima se suočavaju kako djeca tako i njihovi
roditelji,
- Utvrđuje razloge boravka djece na ulici,
- Informiše djecu o uslugama koje mogu dobiti unutar službi socijalne zaštite,
- Radi na motivaciji djece za odlazak u školu, druge ustanove i organizacije u kojima mogu
ostvariti svoja prava,



web: <http://mrsri.ks.gov.ba>
e-mail: mrsri@mrsri.ks.gov.ba
Tel: + 387 (0) 33 562-089, Fax: + 387 (0) 33
562-090

Sarajevo, Reisa Džemaludina Čauševića 1



- Pruža asistenciju i podršku stručnim timovima općinskih službi socijalne zaštite prilikom smještaja djece u organizacije i institucije socijalne zaštite,
- Inicira kod opštinskih službi socijalne zaštite da provjere postojanje osnova za hitno izuzimanje djece zaticane u skitnji i prosjačenju na ulicama Kantona Sarajevo,
- Pomaže općinskim službama socijalne zaštite u prikupljanju informacija koje se odnose na postojanje osnova za hitnim intervencijama u cilju zaštite djece,
- Preduzima mjere na podizanju nivoa svijesti šire javnosti o posljedicama prosjačenja,
- Preduzima mjere i aktivnosti u saradnji sa nadležnim općinski službama socijalne zaštite na poboljšanju uvjeta porodica sa djecom koja borave i rade na ulici,
- Evidentira djecu koja borave i rade na ulicama i o tome obavještava nadležne općinske službe socijalne zaštite,
- Na temelju prikupljenih podataka do koji dolazi u toku rada na terenu sačinjava izvještaje o sumnji na uključenost djece u organiziranu trgovinu ljudima i o tome obavještava Ministarstvo unutrašnjih poslova Kantona Sarajevo i Tužilaštvo Kantona Sarajevo,
- Organizira aktivnosti u vidu radionica sa djecom i porodicama koji imaju za cilj podizanje svijesti o rizicima i štetnosti boravka djece na ulicama kako po njihovu sigurnost tako i po njihovu zaštitu,
- Identificira ne vidljivu djecu i inicira prema nadležnim općinskim službama socijalne zaštite pokretanje postupka naknadnog upisa u matične knjige rođenih i knjige državljanstva,
- U naseljima gdje žive djeca organizira aktivnosti na podizanju svjesti roditelja o pitanjima koja se tiču zanemarivanja, zapuštanja i nasilja na djecom,
- Pruža podršku institucijama u pribavljanju potrebnih dokumenata radi ostvarivanja dječijih osnovnih prava na obrazovanje, na zdravstvenu i socijalnu zaštitu,
- posredovanjem u uključivanju djece u riziku u sistem obrazovanja, zdravstvene i socijalne zaštite Mobilni tim direktno utiče na prevenciju zanemarivanja i nasilja nad djecom,
- Mobilni tim u saradnji sa nadležnim institucijama: policijom, općinskim službama socijalne zaštite i tužilaštvom kontinuirano radi na suzbijanju organizovane trgovine djecom i organizovanog prosjačenja vodeći računa o najboljem interesu djece.

U 2019. godini izvršeno je ukupno 270 provjera na terenu (posjete raskrsnicama, centru grada i lokalnim zajednicama u kojima žive porodice koje su evidentirane ili su u riziku), a sve u cilju praćenja cjelokupne socijalne slike unutar porodice, evidentiranja stanja na terenu/pružanje psiho-socijalne podrške porodici i djeci, evidentiranje nove djece i utvrđivanje razloga njihovog boravka na ulici.

U toku 2019.godine evidentirano je ukupno 160 djece na uličnim žarištima, raskrsnicama i centru grada, navedena djeca obavljaju bilo kakvu vrstu rada na ulici od sakupljanja sekundarnih sirovina, pranja vjetrobranskih stakala na automobilima, do prosjačenja na ulici. Od ukupno evidentiranih 160 djece za 2019. godinu, identifikovano je 29 novih u odnosu na predhodnu godinu koja dolaze iz različitih kantona i susjednih država. U periodu januar – decembar 2019. godine evidentirano je 55 djece koja su u riziku od različitih riziko faktora da postanu djeca ulice odnosno da se počnu baviti prosjačenjem, te je posjećeno 9 porodica u kojima su evidentirana djeca zabilježena u prosjačenju u lokalnoj zajednici/naselju. Pružena je pomoć porodicama u vidu psihosocijalne podrške, podizanja svjesti o rizicima i štetnosti boravka djece na ulicama i



web: <http://mrsri.ks.gov.ba>
 e-mail: mrsri@mrsri.ks.gov.ba
 Tel: + 387 (0) 33 562-089, Fax: + 387 (0) 33
 562-090

Sarajevo, Reisa Džemaludina Čauševića 1



materijalne pomoći (prehrambenih i higijenskih paketa, odjeća, obuća, školski pribor). U Službu za zbrinjavanje djece u stanju potrebe pri Kantonalnoj javnoj ustanovi "Odgojni centar" upućeno je svako dijete koje je evidentirano prilikom zaticanja u prosjačenju. Direktnim putem uz saglasnost roditelja i poštujući princip dobrovoljnosti 3 djece je smješteno na cjelodnevni i poludnevni boravak.

U Javnu ustanovu "Dom za djecu bez roditeljskog staranja" prilikom pružanja asistencije i pomoći općinskim službama socijalne zaštite smješteno je 7-ero djece, dok je uz asistenciju policije dovedeno je 21 dijete kako bi opštinske službe socijalne zaštite provjerile osnovu za hitno izuzimanje djece zatečene u skitnji i prosjačenju na ulicama Kantona Sarajevo, ili izdalo pismeno upozorenje roditeljima na postojeće sankcije.

U periodu od Januar - Decembar 2019.godine izvršena je 31 hitna intervencija, vezane za slučajeve trgovine djecom, smještaj djece u institucije, te pružanje urgentne pomoći i pružanje asistencije, pronalaženje lokacija i skupljanje dokaza vezane za lica osumnjičena za trgovinu djecom.

U 2019. godini evidentirano je 4 djece za koje postoji sumnja da se radi o potencijalnim žrtvama trgovine ljudima (sumnje i informacije prosljeđene su nadležnim institucijama), te prilikom uvida u cjelokupnu situaciju i trenutnog stanja na terenu radi se slijedećim podacima prikazanim prema općinama u Kantonu Sarajevo:

Općina Stari Grad - 13 (7 dječaka i 6 djevojčica)
Općina Centar - 14 (5 dječaka i 9 djevojčice)
Općina Novo Sarajevo - 14 (6 dječaka i 8 djevojčica)
Općina Novi Grad - 21 (14 dječaka i 7 djevojčica)
Općina Ilidža - 61 (27 dječaka i 34 djevojčice)
Općina Vogošća - 14 (8 dječaka i 6 djevojčica)
Općina Hadžići - 10 (6 dječaka i 4 djevojčica)
Općina Ilijaš - 13 (6 dječaka i 7 djevojčice)

Potrebno je napomenuti da Javna ustanova "Kantonalni centar za socijalni rad" ima nadležnost za prevenciju, tretman i zaštitu malodobne djece koja se bave prosjačenjem, radnom eksploatacijom, nasiljem nad djecom, trgovinom djecom. S tim u vezi želimo napomenuti da JU Kantonalni centar za socijalni rad nije nadležan za punoljetna lica koja se bave prosjačenjem na području Kantona Sarajevo.

Imajući u vidu da je Bosna i Hercegovina ratifikovala Konvenciju o pravima djeteta, te druge međunarodne dokumente koji se odnose na borbu protiv eksploatacije djece, nasilja i trgovine ljudima dana 02.10.2018. godine Ministarstvo za rad, socijalnu politiku raseljena lica i izbjeglice Kantona Sarajevo u okviru svojih nadležnosti zajedno sa 11 drugih nadležnih institucija i njihovih predstavnika potpisalo Protokol o saradnji i postupanju u slučajevima protupravnog ponašanja na štetu djece u Kantonu Sarajevo.

Svrha Protokola o saradnji i postupanju u slučajevima protupravnog ponašanja na štetu djece u Kantonu Sarajevo je saradnja u svim aspektima zaštite žrtava protupravnog ponašanja na štetu djece, uz puno poštivanje njihovih ljudskih prava, s ciljem obezbjeđenja fizičke, psihološke,



web: <http://mrsri.ks.gov.ba>
e-mail: mrsri@mrsri.ks.gov.ba
Tel: + 387 (0) 33 562-089, Fax: + 387 (0) 33
562-090
Sarajevo, Reisa Džemaludina Čauševića 1



Quality management system
ISO 9001
- Customer focus
- Customer satisfaction
- Continuous improvement
- System/process effectiveness
ID 15 100 83666
www.tuv.com

zdravstvene, socijalne i dječije zaštite i olakšavanja njihove integracije u novo društvo, odnosno reintegracije.

Saradnja se zasniva na principima poštovanja, transparentnosti i određivanja jasnih obaveza utvrđenih u ovom protokolu. Potpisnici Protokola se obavezuju da međusobno, u skladu sa svojim zakonskim ovlaštenjima, razmjenjuju informacije koje su neophodne da bi se pružila najbolja zaštita potencijalnoj žrtvi, a u cilju sprečavanja prosjačenja, skitnje, eksploatacije djece, kao i svih vidova zloupotrebe i protivpravnih ponašanja na štetu djece u Kantonu Sarajevo, smatrajući da su najčešće žrtve prosjačenja i eksploatacije djeca različite životne dobi, a da su organizatori eksploatacije najčešće odrasle osobe.

U svrhu adekvatnije zaštite dana 15.07.2019. godine potpisan je i Aneks Protokola o saradnji i postupanju u slučajevima protupravnog ponašanja na štetu djece u Kantonu Sarajevo kojim se uređuje formiranje Koordinacionog tijela za praćenje provođenja Protokola o saradnji i postupanju u slučajevima protivpravnog ponašanja na štetu djece u Kantonu Sarajevo nakon čega je Odlukom broj: 13-02/1-35-27989-1/19 od 27.11.2019. godine imenovano Koordinaciono tijelo za zaštitu žrtava protupravnog ponašanja na štetu djece u Kantonu Sarajevo.

Cijeneći da je prosjačenje prikrivena eksploatacija i da može imati i elemente trgovine ljudima u svrhu pribavljanja materijalne koristi, te da su djeca izložena organizovanim i ne organizovanim oblicima kriminalnog djelovanja, da su najčešće izvan sistema socijalne i zdravstvene zaštite i nisu uključena u obrazovni sistem potpisivanjem pomenutog Protokola i formiranjem Koordinacionog tijela za praćenje provođenja istog, smatramo da je postignut značajan iskorak u zaštiti žrtava svih oblika eksploatacije i neprihvatljivog ponašanja u što spada i samo prosjačenje.

Pripremila: Senita Žilić, stručni saradnik

Kontrolisali: Cica Pljevljak, šef Odjeljenja

Slavica Gorančić, pomoćnik ministra

Sekretarka ministarstva, Belma Trajkov



Dostaviti:

1. Naslovu,
2. evidencija ministra,
3. a/a.



web: <http://mrsri.ks.gov.ba>
e-mail: mrsri@mrsri.ks.gov.ba
Tel: + 387 (0) 33 562-089, Fax: + 387 (0) 33 562-090

Sarajevo, Reisa Džemaludina Čauševića 1

